

文選卷第四十八

梁昭明太子撰



森郎守李為率府錄事參軍事崇賢館直學士臣李善注上

符命

司馬相如封禪文一首

楊子雲劇秦美新一首

班孟堅典引一首

封禪文一首

司馬長卿

史記曰長卿病甚武

帝使所忠往求其書及至長卿已卒其妻曰長卿未死時為一卷書曰有使來求書奏之其遺札書言封禪事所忠奏言

伊上古之初肇自昊穹兮生民

張揖曰昊穹春夏天名郭璞爾雅注曰伊發語辭也

歷選列辟以迄於秦

文穎曰選數也辟君也

率邇者踵武逖聽者

風聲

漢書音義曰率循也邇近也踵蹈也武迹也逖遠也近者蹈其迹遠者聽其風聲

紛綸威

蕤湮滅而不稱者不可勝數

張揖曰紛綸亂貌善也勝盡也

繼韶

夏崇號謚略可道者七十有二君

文穎曰韶明也夏大德明大相繼封禪

於泰山者七十有二人也管子曰封太山禪梁父者七十有二家

罔若淑而不昌疇逆

失而能存

應劭曰罔無也若順也淑善也疇誰也服虔曰無有始善而後不昌者又無逆失而能存

之者罔與同軒轅之前遐哉邈乎其詳不可得聞已五三六

經載籍之傳維風可觀也

漢書音義曰五五帝也三三王也經籍所載善惡可知也

書曰元首明哉股肱良哉

尚書益稷之文也

因斯以談君莫盛

於唐堯臣莫賢於后稷后稷創業於唐堯漢書音義曰唐堯之世播殖百

穀公劉發迹於西戎漢書音義曰公劉后稷曾孫文王改制爰周邳

隆大行越成文穎曰邳至也行道也文王始開王業改正朔易服色太平之道於是成也如淳曰

越於而後陵遲衰微千載亡聲鄭氏曰無聲無有惡聲也豈不善始

善終哉漢書音義曰美周家終始相副若一也莊子曰善始善終人猶効之然無異端慎

所由於前謹遺教於後耳言周之先王創制垂業既慎其規模又謹其遺教也故

軌迹夷易易遵也夷易皆平也言周之軌迹平易易可遵奉也二易並盈竝切湛恩

厖鴻易豐也湛深也厖鴻皆大也言湛恩廣大易可豐厚也湛音沈厖莫江切憲度著

明易則也垂統理順易繼也張揖曰垂懸也統緒也理通也文王重易六爻窮理

盡性懸於後世其道和順易續而明孔子得錯其象而彖其辭是以業隆於緼縠而崇

冠於二后

孟康曰繼綵謂成王也二后謂文武也周公輔成王以致太平功德冠於文武者遵法易

故揆厥所元終都攸卒

張揖曰都於也卒終也爾雅曰元始也

未有殊尤

絕迹可考於今者也然猶躡梁父登泰山建顯號施尊

名

顯號尊名謂封禪也

大漢之德逢涌原泉沕滴曼羨

張揖曰逢遇也喻其

德盛若遇原泉之涌出也服虔曰滴泉貌徐廣曰沕沒也亡必切音義或曰曼羨廣散也

旁魄四塞

雲布霧散

張揖曰旁魄布衍也魄音薄

上暢九垓下汭八埏

孟康曰暢達也

垓重也汭流也埏若瓮埏地之八際也言其德上達於九重之天流於地之八際

懷生之類沾

濡浸潤

懷生氣之類皆被恩澤

協氣橫流武節焱逝

協氣和氣也橫流多也焱

逝遠也邇陞遊原遐闊泳沫

孟康曰邇近也原本也遐遠也闊廣也泳浮也恩德比之

於水近者游其原遠者浮其沫

首惡鬱沒晻昧昭晰

孟康曰始為惡者皆湮滅晻昧喻夷

狄皆化之也穀梁傳曰諸侯不首惡

昆蟲閭澤迴首面內文穎曰閭澤皆樂也韋昭曰面

向也閭音然後囿騶虞之珍羣言騶虞之羣在於苑囿之中毛萇詩傳曰騶虞

義獸有至信之德則應也微麋鹿之怪獸漢書音義曰微遮也遮麋鹿得其奇怪者謂獲白麟

也導一莖六穗於庖鄭玄曰導擇也一莖六穗謂嘉禾之米於庖廚以供祭祀犧

雙觥共柢之獸服虔曰犧牲也觥角共一本用以爲牲武獲周

餘珍放龜于岐文穎曰周放畜餘龜於沼池之中至漢得之於岐山之旁龜能吐故納新千歲

不死招翠黃乘龍於沼漢書音義曰翠黃乘黃也龍翼馬身黃帝乘之而仙言見乘黃而招

呼之也禮樂志曰嘗黃其何不來下余鬼神接靈囿賓

吾渥洼水中出神馬故言乘龍於沼於間館文穎曰是時上求神仙之人得上郡之巫長陵女子能與鬼神交接療病輒愈置於上林苑中

號曰神君有似於古靈奇物譎詭倣儻窮變漢書音義或曰倣儻

卓異也奇偉之物譎詭非
常卓然絕異窮極事變
欽哉符瑞臻茲猶以為德薄

不敢道封禪盖周躍魚隕航休之以燎

應劭曰航舟也休美也尚書旋

機鈴曰武得兵鈴謀東觀白魚入舟俯取魚以燎也

微夫此之為符也以登介丘

不亦慝乎

服虔曰介大丘也言周以白魚為瑞登泰山封禪不以慝乎小雅曰心慝曰慝女六切

進讓之道何其爽歟

張揖曰進周也讓漢也爽差也言周末可封禪為進漢可封禪

而不為

於是大司馬進曰陛下仁育羣生義征不諛

音

文穎曰大司馬上公也故先進議諛順也

諸夏樂貢百蠻執贄德侔往初功

無與二休烈浹洽符瑞眾變期應紹至不特創見

文穎曰不

獨一物造見也創初創也

意泰山梁甫設壇場望幸蓋號以況榮

漢書

音義曰意者言泰山梁甫設壇場望帝封禪紀號以表榮名也望幸望帝之臨幸也蓋者發語之辭也

陛

下謙讓而弗發

文穎曰弗發往意

挈三神之歡缺王道之儀

應劭

曰挈絕也李奇曰缺闕也韋昭曰三神上帝太山梁父也

羣臣恧焉或曰且天為質

闇示珍符固不可辭

孟康曰天道質昧以符瑞見意不可辭讓

若然辭之是

泰山靡記而梁甫罔幾也

漢書音義曰泰山之上無所表記梁父壇場無所庶幾

亦各並時而榮咸濟厥世而屈說者尚何稱於後而云

七十二君哉

應劭曰屈絕也言古帝王若但作一時之榮畢世而絕者則說無從顯稱於後世也

夫修德以錫符奉命以行事不為進越也

文穎曰越踰也

而踰禮也故聖王不替而修禮地祇謁款天神

漢書音義曰謁告也款誠

也言不廢脩禮地祇告誠天神之義也

勒功中嶽以章至尊

張揖曰蓋先禮中嶽而幸

泰舒盛德發號榮受厚福以浸黎元

黎元已見上文

皇皇哉此

天下之壯觀王者之卒業不可貶也

皇皇美也卒終也貶損也卒或為本

願陛下全之

張揖曰願以封禪全其終

而後因雜摺紳先生之略術

使獲耀日月之末光絕炎以展案錯事

漢書音義曰案官也使諸儒記

功著業得覩日月末光殊絕之明以展其官職設錯事業也錯千故切

猶兼正列其義被

弗飾厥文作春秋一藝

孟康曰猶因也春秋者正天時別人事諸儒既得展事業因兼

正天時別人事叙述大義為一經也將襲舊吳為七攄之亡窮

服虔曰舊為六經漢

欲七經孔安國尚書傳曰襲因也

俾萬世得激清流揚微波蜚英聲騰

茂實

蜚古飛字也

前聖所以永保鴻名而常為稱首者用此

宜命掌故悉奏其儀而覽焉

漢書音義曰掌故太史官屬主故事者也

於是

天子俛然改容曰俞乎朕其試哉

張揖曰俛感動之意也許皆切俛或為沛

乃遷思迴慮揔公卿之議詢封禪之事詩大澤之博廣

符瑞之富

漢書音義曰詩歌詠功德下四章之頌也大澤之博謂自我天覆雲之油油廣博也符瑞

之富謂班班之獸以下三章言符應廣大之富饒也遂作頌曰

自我天覆雲之油油

漢書音義曰油油雲行貌孟子曰天油然作雲甘露時雨

厥壤可遊

遊遨也言祥瑞屢臻故可遊遨也

滋液滲漉

鹿

何生不育

說文

曰滲下漉也又曰漉水下貌韋昭曰滲疏禁切

嘉穀六穗我穡曷蓄

李奇曰我之稼穡何

等不蓄積非惟雨之又潤澤之非惟徧之我汜布護之萬物

熙熙懷而慕思

周書王子晉曰萬物熙熙非舜而誰

名山顯位望君之來

韋昭曰名山泰山也顯位封禪之事也

君乎君乎侯不邁哉

李奇曰侯何也言君何不

行封禪般般之獸樂我君圃

謂騶虞也春秋考異郵曰虎班文者陰陽雜也

白質

黑章其儀可嘉

毛萇詩傳曰騶虞白虎黑文

眈眈穆穆君子之態

漢書

音義曰眈眈和也穆穆敬也言容態和且

蓋聞其聲今

親其來

親見其來

厥塗靡從天瑞之徵

文穎曰其道何從此乃天瑞之應茲

亦於舜虞氏以興

文穎曰百獸率舞則騶虞在其中

濯濯之麟遊彼靈

時

漢書音義曰武帝祠五時獲白麟故言遊靈時也毛詩曰鹿鹿濯濯

孟冬十月君徂郊

祀馳我君輿帝用享祉

帝天帝也白麟馳我君車之前因取燎祭於天天用歆享之答

以祉

三代之前蓋未嘗有宛宛黃龍興德而升

文穎曰起至德

而見也楚辭曰駕八龍之宛宛

采色炫燿煥炳輝煌正陽顯見覺悟黎

蒸

文穎曰陽明也

於傳載之玄受命所乘

如淳曰書傳揆其比類或以漢土德則宜

有黃龍之應於成紀是也故言受命者所乘

厥之有章不必諄諄

漢書音義曰天之所

命表以符瑞章明其德不必諄諄然有語言也孟子萬章曰舜之有天下也孰與之孟子曰天與之天與之者諄諄然命之乎曰否諄之純切依類託寓喻以封巒漢書音義曰寓寄也巒山也言依事

類託寄以喻封禪

披藝觀之天人之際已交上下相發允答聖

王之德兢兢翼翼

尚書曰兢兢業業毛詩曰小心翼翼爾雅曰翼翼敬也

故曰於

興必慮衰安必思危

太公陰謀机之書曰安不忘危存不忘亡

是以湯武至

尊嚴不失肅祗舜在假典顧省闕遺此之謂也

徐廣曰假大也

湯武雖居至尊嚴之位而猶不失肅祗之道舜所以在於大典謂能顧省其遺失言漢亦當不失恭敬而自省也祭天是不忘敬也不封禪是遺失也毛詩曰湯降不遲上帝是祗

劇秦美新

李充翰林論曰揚子論秦之劇稱新之美此乃計其勝負比其優劣

之義漢書王莽下書曰定有天下之號曰新

揚子雲

王莽潛移

龜鼎子雲進不能辟戟丹墀亢辭鯁議退
不能草玄虛室頤性全真而反露才以耽

寵詭情以懷祿素餐所刺何以
加焉抱朴方之仲尼斯為過矣

諸吏

漢書曰左右曹諸吏皆加官所加或列侯將軍卿大夫

中散大夫臣雄稽首

再拜上封事皇帝陛下臣雄經術淺薄行能無異數蒙

渥恩拔擢倫比與羣賢並媿無以稱職臣伏惟陛下以

至聖之德龍興登庸欽明尚古

登庸欽明已見上文

作民父母為

天下主

尚書曰天子作民父母又曰為天下君

執粹清之道鏡照四海聽

聆風俗博覽廣包參天貳地兼並神明

難蜀父老曰勤思乎參天貳地

神明已見顏延年曲水詩序

配五帝冠三王開闢以來未之聞也

開闢

已見西征賦

臣誠樂昭著新德光之罔極往時司馬相如作

封禪一篇以彰漢氏之休臣常有顛眴病賈逵國語注曰眴惑也眴

與眴古字通恐一旦先犬馬填溝壑先犬馬已見曹子建責躬詩所懷不

章長恨黃泉左氏傳鄭伯曰不及黃泉無相見也服虔曰天方地黃泉在地中故言黃泉敢

竭肝膽寫腹心作劇秦美新一篇雖未究萬分之一亦

臣之極思也萬分處一已見江文通詣建平王上書臣雄稽首再拜以聞

曰權輿天地未祛眴眴眴眴言混沌之始天地未開萬物眴眴而不定也爾雅曰權輿

始也眴眴已見景福殿賦眴眴惟切眴音吁或夕而萌或黃而牙言天地方開故夕黃異色

而生萌芽也易曰夕夕黃剖判上下相嘔言天地既開夕黃分判故

黃者天地之雜色也天地上下相與嘔養萬物也易曰天方而地黃禮記曰

助姬覆育萬物鄭玄曰以氣曰煦煦與嘔同况俱切爰初生民帝王始存言初有生民之時帝王之義始存也易曰有天地然後有萬物有萬

物然後有男子女有男子女然後在乎混混茫茫之時疊聞

有父子有父子然後有君臣混混茫茫天地未分疊

罕漫而不昭察世莫得而云也聞罕漫不明之貌也言

天地肇開君臣始樹善惡罕漫而不昭察故世莫得而

言之也莊子曰古之人在混茫之中與一時而得澹漠

焉厥有云者上罔顯於義皇罔無也顯明也伏羲中莫

盛於唐虞邇靡著於成周左氏傳召公曰糾仲尼不遭

用春秋困斯發司馬遷書曰仲言神明所祚兆民所託

罔不云道德仁義禮智言有斯四德乃為神獨秦屈起

西戎邠荒岐雍之疆史記曰秦自非子為附因襄文宣

靈之僭迹史記曰秦莊公卒襄公立卒文公立卒德公

立基孝公茂惠文奮昭莊孝公惠文君襄王並已見李

斯上書史記曰文王卒子莊

襄王

至政破縱擅衡并吞六國遂稱乎始皇

史記曰莊襄卒子政

立初并天下號始皇帝從橫已見上

盛從鞅儀韋斯之邪政

商鞅張儀呂不韋李斯皆

秦相馳騖起翦恬賁之用兵

史記曰白起攻楚拔鄢郢又曰王翦攻趙拔之翦子賁破

定燕齊地又曰蒙恬攻齊大破之

剗滅古文刮語燒書

史記李斯曰請非博士官所職

天下敢有藏書詩百家語者誚守尉雜燒之

弛禮崩樂塗民耳目

崩樂已見劉歆移太

常博士書六韜曰先塗民耳目

遂欲流唐漂虞滌殷蕩周

流漂滌蕩謂除之也難

除仲尼之篇籍自勒功業

難古然字

改制度軌量咸稽之於

秦紀

稽考也紀本紀也言考校而著之秦紀

是以耆儒碩老抱其書而遠

遜禮官博士卷其舌而不談來儀之鳥肉角之獸狙獼

而不臻

來儀鳳也肉角麟也說文曰狙犬暫齧人且餘切又曰獼犬不可親附也古猛切

甘露

嘉醴景曜浸潭之瑞潛

嘉醴醴泉也景曜景星有光曜也浸潭謂滋液浸潤能生萬物

也潛藏也

大第經霄巨狄鬼信之妖發

第彗星也穀梁傳曰星孛入北斗李之為

言猶第也步內切第步忽切史記始皇本紀曰彗星光見東方北方漢書音義曰經謂星出東入西出西入東

也史記始皇本紀曰有墜星下東郡至地為石漢書曰始皇時有大人身長五丈夷狄之患見臨洮鬼信謂告

祖龍死也已見西征賦

神歇靈繹海水羣飛

繹猶緒也言神靈歇其舊緒不福祐之繹

或為液海水喻萬民羣飛言亂

二世而亡何其劇與

二世胡亥也為趙高所弑劇甚也言

促甚也

帝王之道兢兢乎不可離已

尚書曰兢兢業業

夫能貞而

明之者窮祥瑞

貞正也言既正且明故祥瑞咸格

回而昧之者極妖慝

回邪也言既邪且闇故妖慝競集也昧或為蔑

上覽古在昔有憑應而尚缺焉

壞徹而能全

言古帝王之興有憑依瑞應而尚毀缺焉有行壞徹之道而全立者乎言無也故